





AUG. 7386



1. T. X. Biskup Ryński Jędrzej Braci swoim Zakonu Kazno: nawieczne czasy Krzyza Jezusowego
 Drzewo daruiz. 2. Pleban Kościoła Parnego Zinaystratem prosi o cząstkę tego Drzewa Zbawienia
 dosięgnę Kościoła aby go udzielić. 3. Gdy się wazy Biskup dzielić dłużej rękę przebyła czym napomniony
 wolał Czynnę całej go Braci od dale. 4. Zdrowia, rękę odbiera pouczymonymi Sotum Oycem go całej Zosta-
 J. T. sc wlc

C

M

C

In F
tub

C

T

CULTUS SSmæ CRUCIS

^{cum}
MEMORIA PASSIONIS
D. N. JESU CHRISTI
Indissolubili nexu

CONJUNCTUS,

In Ecclesia Sancti Stanislai Ep. & M. P. R. P.
sub cura Fratrum Ordinis Prædicatorum
Lublinensium
Omnibus

COMMENDATUS;

Speciali favore, ac devoto animo,
à Confratribus sub Titulo ejus-
dem SSmæ CRUCIS.

PERSOLVENDUS.

L U B L I N I
Typis S. R. M. Coll: Societ: JESU
A. D. 1758.



Quicumque abominantur
Crucem, aut eam recusant
latriæ adoratione venerari,
eò ipsò fiunt infideles.

*In elucid. D. Th. Q. 25. Art.
ad 1mum.*

Nos autem gloriari oportet
in Cruce Domini Nostri
JESU Christi.

Miss. Rom.



Aug 7386

(S)(I)(S)!

*Bulla Innocentii XI instituentis
Confraternitatem sub titulo S. Cru-
cis, & pluribus Indulgentiis
eam dotantis.*

INNOCENTIUS XI.

Ad perpetuam rei memoriam.

CUM (sicut accepimus) in Ecclesia Fra-
trum Ordinis Prædicatorum, Oppidi
Civitatis nuncupatæ Lublini, Cracoviensis
Diæcesis, una, pia, & devota utriusque se-
xus Christi Fidelium Confraternitas, sub
titulo Exaltationis Sanctæ Crucis, (non ta-
men pro hominibus unius specialis artis)
canonicè erecta, seu erigenda existat; cu-
jus Confratres & Conforores quàm pluri-
ma pietatis & charitatis opera exercere con-
severunt. Nos ut Confraternitas ejusmodi
majora in dies suscipiat incrementa; de
Omnipotentis Dei misericordia & Beato-
rum Petri & Pauli Apostolorum ejus au-
thoritate confisi; Omnibus utriusque sexûs
Christi Fidelibus, qui dictam Confraterni-

A2

tatem

tatem in posterum ingredientur, die primo eorum ingressus, si verè penitentes & Confessi, Sanctum Eucharistiæ Sacramentum sumpserint, plenariam. Ac eisdem tam descriptis, quam pro tempore describendis, in dicta Confraternitate Confratribus & consororibus, in cujuslibet eorum mortis Articulo, si verè penitentes & confessi, ac Sacra communione refecti, vel quatenus id facere nequiverint, saltem contriti Nomen JESU ore, si potuerint, sin minus, corde devotè invocaverint, etiam plenariam. Ac eisdem nunc & pro tempore existentibus, dictæ Confraternitatis confratribus & consororibus etiam verè penitentibus & confessis, ac Sacra communione refectis, qui præfatæ Confraternitatis Ecclesiam seu Capellam, vel Oratorium, die Festo Exaltationis Sanctæ Crucis à primis Vesperis usque ad occasum solis Festi singulis annis devotè visitaverint, & ibi pro Christianorum Principum concordia, Hæresum extirpatione, ac Sanctæ Matris Ecclesiæ exaltatione, pias ad Deum preces funderint, plenariam similiter omnium suorum

orum peccatorum Indulgentiam & remis-
 sionem misericorditer à Domino concedi-
 mus. Insuper dictis confratribus & con-
 fororibus, etiam verè pœnitentibus & con-
 fessis Sacra communione refectis, Ecclesiã,
 seu Capellam, vel Oratorium hujusmodi in
 festo Inventionis ejusdem Sanctæ Crucis,
 ac prima, secunda, Tertia, sextis feriis men-
 sis Martii diebus, ut supra, visitaverint, & i-
 bidem orantibus, quo die præfatorum id
 egerint; septem annos & totidem Quadra-
 genas. Quoties verò Missis & aliis Divi-
 ninis Officiis in Ecclesia, seu Capella, vel
 Oratorio hujusmodi pro tempore cele-
 brandis & recitandis, seu congregationi-
 bus publicis, vel privatis ejusdem Con-
 fraternitatis ubivis faciendis interfuerint;
 aut pauperes hospitio susceperint; vel pa-
 cem inter inimicos composuerint, seu
 componi fecerint, vel procuraverint, vel e-
 tiam qui corpora defunctorum tam Con-
 fratrum & confororū hujusmodi, quàm a-
 liorum ad sepulturam associaverint, aut
 quascunque processiones de Licentia Or-
 dinarii fecerint, Sanctissimumque Euchari-

stia Sacramentum tam in Processionibus
 quàm cum ad Infirmos, aut alios ubicun-
 que & quomodocunque pro tempore de-
 feretur comitati fuerint, vel si impediti,
 campanæ signo ad id dato, semel Orationem
 Dominicam & salutationem Angelicam
 dixerint; aut quinquies Orationem &
 salutationem eandem, pro animabus De-
 functorum Confratrum & cōtororum hu-
 jusmodi recitaverint, aut devium aliquem
 ad viam salutis reduxerint, & ignorantes
 præcepta Dei, & ea, quæ ad salutem sunt,
 docuerint, aut quodcunque aliud pietatis,
 vel charitatis opus exercuerint, toties pro
 quolibet præfatorum operum exercitio, se-
 xaginta dies de injunctis eis, seu alias
 quomodolibet debitis penitentiis in for-
 ma Ecclesiæ consveta relaxamus. Præsen-
 tibus perpetuis temporibus valituris. Vo-
 lumus autem, ut si alias dictis Confratribus
 & Confororibus præmissa peragentibus a-
 liquæ *aliæ* Indulgentiæ perpetuò vel ad
 tempus nondum elapsum duraturæ con-
 cessæ fuerint, illæ revocatæ sint, prout il-
 las per præsentis Apostolica Autoritate
 revo-

(S)(5)(S)

revocamus. Utque si dicta Confraternitas alicui Confraternitati aggregata jam sit, vel in posterum aggregetur, aut quavis alia ratione uniatur; vel etiam quomodo libet institutur; priores, & quævis aliæ literæ Apostolicæ illis, nullatenus suffragentur; sed ex tunc eo ipso nullæ sint. Datum Romæ apud Sanctam Mariam Majorem sub Annulo Piscatoris die 28. Augusti 1687. Pontificatûs Nostri Anno Undecimo.



Testimonium Admissionis Illustrissimi ac Reverendissimi D. Domini Episcopi Laodicensis Suffraganei Cracoviensis.

NICOLAUS Oborski Dei & Apostolicæ Sedis Gratiâ Episcopus Laodicensis Suffraganeus, Scholasticus, Vicarius in Spiritualibus & Officialis Generalis Cracoviensis.

Uni-

(2)(6)(2)

UNiverſis & Singulis, quorū intereſt, intererit, aut quomodolibet in futurum intereſſe poterit, præſentes literas viſuris, lecturis, aut legi audituris ſignificamus & ad notitiā indubitatā deducimus, quia nos, viſis & lectis intrò contentis literis Apoſtolicis, Indulgentias pro Altari Tituli **S. CRUCIS** in Eccleſia Convētuāli Lublinenſi Ordinis Prædicatorum ſito ſervientibus, in ſe continentibus, ſanis, ſalvis, illæſis. omni vitio carentibus, nec in ulla ſui parte ſuſpectis, eaſdem juxta earum obloquentiam Authoritate Noſtra Ordinaria admiſimus, facultatemque publicandi ex Ambona coram populo ad Divina audienda congregato, concedimus. In quorum fidem Datt. Cracoviæ 6. die Novembris. Anno Domini 1687,

Nicolaus Oborſki Epiſcopus Laodiceen. Suffraganeus Cracovien.

ET Ego inſcriptus fidem indubitatā facio, præſenti meo ſcripto, quod hæc Sancta Conſraternitas Sanctiſſimæ Crucis juxta tenorem, & obloquentiam Bullæ à Sanctiſſimo Domino Noſtro **INNOCENTIO**

(S)(7)(S)

TIO XI, ad Ecclesiam S. Stanislai Episcopi & Martyris Conventus Lublinensis Ordinis Prædicatorum die Decimâ Quartâ Septembris 1688. Solenni ritu introducta est. In cuius rei fidem manu mea propria subscribo. Anno, Mense eodem ut supra.

Ego Casimirus Carolus Wisniewski A-
ctorum Consistorii Lublinensis
protunc Notarius.

H Y M N U S.

*Ad expositionem SSmæ CRUCIS
cantari solitus.*

Salve CRUX Sancta,
Salve mundi gloria,
Vera spes nostra,
Vera ferens gaudia,
Signum salutis,
Salus in periculis;
Vitale Lignum

Vitam ferens omnium,

Te adorandam,
Te CRUCEM vivificam,
Per Te redempti,
Dulce, decus sæculi,

Sem-

(S)(8)(S)

Semper laudamus,
Semper Tibi canimus,
Per Lignum servi,

Per Te sumus liberi.

Originale crimen,
Necans in CRUCE,
Nos à privatis
Christe munda maculis;
Humanitatem,
Miserratus fragilem
Per CRUCEM Sanctam,

Lapsis dona veniam.

Protege, salva,
Benedic, sanctifica,
Populum tuum,
CRUCIS per signaculum;
Morbos averte

Corporis & animæ,
Hoc contra Signum,

Mullum stet periculum.

Sit Deo Patri,
Laus in CRUCE Filii,
Sit coequalis
Laus Sancto Spiritui,
Civibus summis,

Gau.

(S)(9)(S)

Gaudium sit Angelis,

Honor sit mundo,

CRUCIS collaudatio.

AMEN.

H Y M N U S 2dus.

In Processione cum deportatur Lignum

SSmæ CRUCIS Feriis Sextis

cantari solitus.

L Audes Crucis attollamus
Nos, qui CRUCIS exultamus
Speciali gloria.

Nam in CRUCE triumphamus,
Hostem ferum superamus,
Vitali victoria.

Dulce melos tangat calos,
Dulce Lignum dulci dignum
Credimus melodia.

Voci vita non discordet,
Cum vox vitam non remordet,
Dulcis est symphonia.

Servi CRUCIS CRUCEM laudent,
Qui per CRUCEM sibi gaudent,
Vitæ dari munera.

Dicant omnes & singuli,

Ave salus, sis sæculi,

Arbor salutifera.

O!

(S)(10)(S)

O! quam Felix, quam præclara,
Fuit hæc salutis Ara,
Rubens Agni sanguine.

Agni sine macula,
Qui mundavit læcula,
Ab antiquo crimine.

Hæc est scala peccatorum,
Per quam Christus Rex Cælorum
Ad se traxit omnia.

Forma cujus hoc ostendit,
Quæ terrarum comprehendit
Quatuor confinia.

Non sunt nova sacramenta,
Nec recenter est inventa
CRUCIS hæc Religio.

Ista dulces aquas fecit,
Per hanc flix aquas jecit,
Moyfi officio.

Nulla salus est in domo,
Nisi CRUCE munit homo
Super Iiminaria.

Neque sensit gladium,
Nec amisit Filium,
Quisquis egit talia.

Ligna legens in Sarepta,

Spem

(S)(II)(S)

Spem salutis est adepta,
Pauper muliercula.

Sine Lignis Fidei,
Nec Lecytus olei
Valet, nec farinula.

In scripturis sub figuris
Ista latent; sed jam patent
CRVCIS beneficia.

Reges credunt, hostes cedunt,
Sola CRUCE Christo duce,
Unus fugat millia.

Roma naves universas
In profundum vidit mersas,
Una cum Maxentio.

Fusi Thraces, cæsi Persæ,
Sed & partis Dux adversæ
Victus ab Heraclio.

Ista suos fortiores
Semper facit & victores,
Morbos sanat & langvores,
Reprimit dæmonia.

Dat captivis libertatem,
Vitæ confert novitatem,
Ad antiquam dignitatem
CRUX reduxit omnia.

O!

(S)(12)(S)

O! CRUX Lignum triumphale,
Mundi vera salus: vale,
Inter Ligna nullum tale,
Fronde, flore, germine.
Medicina Christiana,
Salva sanos, agros sana,
Quod non valet vis humana,
Fit in Tuo nomine.
Assistentes CRUCIS Laudi,
Consecrator CRUCIS audi,
Atque servos tuæ CRUCIS,
Post hanc vitam veræ lucis
Transfer ad Palatia.
Si tormentum vult sævire,
Fac tormenta non sentire,
Sed cum dies erit iræ:
Nobis confer & largire:
Sempiterna gaudia.
Amen.

O F F I C I U M.
S. CRUCIS.
AD MATUTINUM.

Ÿ. Per signum CRUCIS de inimicis no-
stris.

R.

(S)(13)(S)

R. Libera nos DEUS noster.

Sic dicitur in principio omnium horarum S. CRUCIS.

Y. Domine labia mea aperies,

R. Et os meum annunciabit laudē tuam.

Y. DEUS in adiutorium meum intende,

R. Domine ad adjuvandum me festina,

Y. Gloria Patri & Filio, &c.

non dicitur Alleluia, neque Laus Tibi Domine.

H Y M N U S

P Atris sapientia veritas Divina,

DEUS homo captus horā matutinā.

A notis Discipulis cito derelictus:

A Judæis traditus, venditus, & afflictus.

Antiph. O! CRUX venerabilis; quæ salutem attulisti miseris, quibus te efferam præconiis? quoniam vitam Cælitern nobis præparasti.

Y. Adoramus Te Christe, & benedicimus Tibi:

R. Quia per Sanctam CRUCEM redemisti mundum.

O R A T I O.

D Omine JESU Christe, Fili Dei vivi,
pone

(S)(14)(S)

pone Passionem, & CRUCEM & mortem
tuam, inter iudicium tuum, & animam
meam, nunc & in hora mortis meæ; &
mihi largiri digneris gratiam, & veniam,
Ecclesiæ Tuæ pacem, & concordiam, no-
bis peccatoribus vitam, & gloriam sempi-
ternam. Qui vivis &c.

AD PRIMAM

℣. Per signum CRUCIS &c.

℞. Deus in adiutorium meum intende,

℣. Domine ad adjuvandum me festina.

Gloria Patri &c.

H Y M N U S.

HOra prima Dominū ducunt ad Pilatum,
Et à falsis testibus, multum accusatum

Colaphis percutiunt, manibus ligatum,
Vultum Dei conspuunt; lumen Cæli gratū

Antiph. O! CRUX Victoria, & admi-
rabile signum, in Cælesti curia, fac nos
captare triumphum.

℣. Adoramus Te Christe, &c.

Oratio. Domine JESU Christe, *ut supra*

AD TERTIAM.

℣. Per Signum CRUCIS &c.

Deus in adiutorium meum intende.

R.

(S)(15)(S)

R. Domine ad adjuvandum me festina.

Gloria Patri, &c.

H Y M N U S.

Crucifige clamitant, horâ tertiarum:

Illusus induitur veste purpurarum!

Caput ejus pungitur Coronâ spinarum:

CRUCEM portat humeris, ad locū pœnarū.

Antiph. Funestæ mortis damnatur suppli-
cium, dum Christus in CRUCE, nostra de-
struxit vincula criminum.

V. Adoramus Te Christe &c.

Oratio. Domine JESU Christe, &c. ut supra.

A D S E X T A M.

V. Per signum CRUCIS &c.

V. Deus in adiutorium meum intende,

R. Domine ad adjuvandum me festina,

V. Gloria Patri & Filio &c.

H Y M N U S.

HOra sexta, JESUS est CRUCI concla-
vatus,

Et cum latronibus pendens est deputatus,

Præ tormentis sitiens, felle saturatus,

Agnus crimen diluens, sic ludificatus.

Antiph. Per signum servi facti sumus; &
per Sanctam CRUCEM liberati sumus:

B

fru-

fructus arboris seduxit nos, Filius Dei redemit nos.

Ÿ. Adoramus Te Christe &c.

Oratio. Domine JESU Christe, &c. ut supra.

A D N O N A M.

Ÿ. Per signum CRUCIS &c.

Ÿ. Deus in adjutorium meum intende,

R. Domine ad adjuvandum me festina,

Ÿ. Gloria Patri & Filio, &c.

H Y M N U S.

HOrâ nonâ Dominus JESUS expiravit, Eli clamans, Spiritû Patri commendavit:

Latus ejus lanceâ, miles perforavit,

Terra tunc contremuit, & sol obscuravit.

Antiph. O! magnum pietatis opus, mors mortua tunc est, in ligno quando mortua vita fuit.

Ÿ. Adoramus Te Christe, &c.

Oratio. Domine JESU Christe, ut supra.

A D V E S P E R A S.

Ÿ. Per signum CRUCIS, &c.

Ÿ. Deus in adjutorium meum intende,

R. Domine ad adjuvandum me festina.

Ÿ. Gloria Patri & Filio, &c.

H Y M N U S.

DE

(S)(17)(S)

re- **D**E CRUCE deponitur, horâ Vespertinâ,
Fortitudo latuit in mente Divina,
Talem mortem subiit vitæ medicina
ra. Heu corona gloriæ jacuit supina.

na, *Antiph.* O! CRUX benedicta, quæ sola
fuiſti digna portare talentum mundi: dulce
lignum, dulces clavos, dulcia ferens ponde-
ra; super omnia ligna cedrorum, tu sola ex-
vit, cellior, in qua ſalus mundi pependit, in qua
vit: Chriſtus triumphavit, & mors mortem ſupe-
ravit in æternum.

Y. Adoramus Te Chriſte, &c.

Oratio. Domine JESU Chriſte, *ut ſupra.*

AD COMPLETORIUM.

ors Y. Per Signum CRUCIS &c.

tua Y. Converte nos Deus ſalutaris noſter,

R. Et averte iram Tuam à Nobis,

Y. Deus in adjutorium meum intende,

a. R. Domine ad adjuvandum me feſtina.

Y. Gloria Patri &c.

H Y M N U S.

HOra Completorii, datur ſepultura,
Corpus Chriſti Nobile, ſpes vitæ futura;
Conditur aromate, complentur ſcripturæ;
Jugis fit memoria mortis ſuæ dura.

(S)(18)(S)

Antiph. Salvator mundi salva nos, qui
per CRUCEM & sanguinē tuum redemisti
nos, auxiliare nobis, Te deprecamur Deus
noster.

(Tibi, &c.

ŷ. Adoramus Te Christe, & benedicimus

ꝛ. Quia per Sanctam CRUCEM redemisti
mundum.

Oratio. Domine JESU Christe, *ut supra.*
COMMENDATIO.

HAs horas Canonicas, cum devotione,
Tibi Christe recolo, pia ratione.

Ut qui pro me passus es amoris ardore,
Sis mihi toleratum, mortis in agone, Amen.

*Possunt etiam recitari ante Altare Sanctissimæ
CRUCIS sequentes devotæ Orationes, ex San-
ctis Patribus desumptæ.*

Ex D. BERNARDO.

OJESU! JESU mi, ad Passionis Tuæ glo-
riosa insignia, in quibus salutem meam
operatus es, totum me inclino. Tuæ victo-
riose CRUCIS regale vexillum in Nomine
Tuo CHRISTE adoro. Tuum spineū Dia-
demma, Tuos rubentes sanguineos clavos,
Tuo sacro lateri immersā lanceā, Tua vul-
nera, Tuum sanguinē, Tuam mortem, Tuā
sepulturā CHRISTE supplex adoro & glo-

rifico. Confige CRUCI Tuæ manus meas,
& pedes meos, ac totum Passioni Tuæ con-
forma servum Tuum Domine, Amen.

Ex S: CHRISOSTOMO.

LAudo & celebro Domine Tuæ longani-
mitatis & patientiæ plenū in me Myste-
rium. Adoro Domine venerandā & vivifi-
cā CRUCEM Tuam. Exosculor cruciatus,
amo clavos, & mēbrorū foramina veneror.
Columnā verò & lanceam, & spongiā su-
spicio; tanquā diademā Regium. Coronam
spineā mihi impono, & sputis ut perlucidis
lapillis ornor; & colaphis tanquā clarissimo
ornatu glorior. Teque Confiteor verū De-
um, unum ex Sanctissima Trinitate JESUM
CHRISTUM, qui pro me Passionē subiit, &
sindone involutus, & ab iniquis Judæis irri-
sus, & tandē sepultus est, qui resurrexit ter-
tia die, & iterū venturus est judicare vivos
& mortuos. Tua enim est gloria, & poten-
tia simul cum Patre, & Sancto & vivifico
Spiritu nunc & semper, & in sæcula sæcu-
lorum, Amen.

Ex S: THEODORO.

O! CRUX Christi! celeberrima Christia-

norū gloriatio. CRUX CHRISTI, Aposto-
lorū peculiaris prædicatio. CRUX CHRI-
STI Martyrū Regale diadema. C R U X
CHRISTI Prophetarum pretiosissimus or-
natus. CRUX CHRISTI finium lucidissi-
mus nitor. CRUX CHRISTI (nam ut cum
re vivente loquar) protege eos, qui Te in-
censo pectore celebrant; conserva, qui Te
fidei mente amplectuntur & osculantur.
Guberna in pace, rectaque fide, subditos.
Adduc omnibus CHRISTI Returrectionis
diem latissimum, custodiens Pontifices,
Antistites, Imperatores, Religiosos, Mona-
chos, promiscuamque multitudinem &
convenas omnes in CHRISTO JESU
DOMINO nostro, cui gloria & potentia,
cum Patre & Sancto Spiritu, nunc & sem-
per, & in sæcula sæculorum, Amen.

RELATIO HISTORICA.

de

*Vitali Ligno CRUCIS SSmæ, quod Lu-
blini, in Ecclesia S. Stanislai Ep. & M.
P. R. P. sub cura Fratrum Ordinis Præ-
dicatorum asservatur, magnisque, ac fe-
re innumeris claret miraculis,*

A Nnus à reparata salute Orbi affulserat
supra

supra Millesimum Quadringentesimus Vi-
gesimus, dum Providus supernorum Rector
humanae cupidus salutis, novum inexhau-
stumque gratiarum fontem Crucis SSmæ
Divini Filii pretiosissimo cruore conspersæ,
partem non exiguam Lechico solo destina-
vit. Fuerat immensus hicce Thesaurus
jam inde à 3tio Christi sæculo per D.
Helenam Constantini magni Matrem toti-
us vivifici ligni inventricem Orientis Im-
peratoribus in perenne pignus consecratus
Constantinopoli; donec Anno 990. dispo-
nente procul dubio Divina Providentiâ
mutata sede Kijoviam est translatus.

Regebant namque eò tempore totius O-
rientis Clavum Basilius & Constantinus, or-
tu & sorte fratres, quò Vlodimirus, Albæ
& Nigræ, Orientalis, Septentrionalis, Meri-
dionalis Russiæ Monarcha (à quo Mosco-
via Imperium totius Russiæ nuncupari cæ-
pit) magni Vlodimiri Avus auspicato bel-
lorum progressu, primò Corsunium, ac de-
mum Tauricam Chersonesum tuæ potestati
subjecit. Hic ut in posteris nomen suum
immortalitati consecraret, Annam Impe-
rato-

ratorum Orientis sororem, in thori sociam eligere decrevit. Et quamvis initio dispar Religio obstitaret; tamen postquam Vlodymirus ejurato Idolorum cultu, gremio Fidei Catholicæ se adjunxit; faciles in suam sententiam pertraxit. Quare itineri se accingit desponsata Imperatorum soror, atque ut Novitio Christi militi consorti suo sibi, totique Regno de gratiarum fonte provideret, ut SSmæ Crucis Thesaurum doti suæ Fratres adjungant, rogat, & obtinet. Hæc igitur gemma dotata in Corsicæ fines ac mox Kijoviam se contulit, ubi allatō lignō vitæ, demoliuntur fana, idolorum cultus cessat, & quidquid superstitiosum spirabat virus, profligatur, ut Servatoris per Crucem honor in dies propagetur.

Verū abditorum scrutator Deus, qui omnia incomprehensibilibus judiciis suis regit, & gubernat, non ultra quatuor sæcula ibidem inæstimabile lignum delitescere voluit. Præviderat namque, quibus Stygis tenebris Regna illa denuò involvenda forent; quare ne contemptui quondam Crucis hostibus Crux Sanctissima fiat, ibi collocan-

locandam decrevit, ubi perennaturis temporibus indefesso cultu frequentaretur.

Itaque Anno ab Incarnatione verbi 1387. quo Ivo Kijoviensi præerat Ducatui Andreas, quintus in serie Episcoporum, de Ordine Prædicatorio assumptorum, speciali erga Lignum vitæ affectu flagrare caperat. Nec ultra tanti desiderii flammam occultare valens, palam precibus semel, iterumque, apud Principem instat, ut amorem quem erga eum ferebat, hocce pignore contestaretur: Nec destitit, quoad optatâ gemmâ est potitus. Verùm novis jam Andreas angoribus cruciabatur, ubi tantum pignus dignè collocaret! nec aptior occurrebat locus; quàm qui patrium illi, præbuerat solum, Cracovia is erat, indigenarum fervore zeloque clarus. Eò igitur quantocyùs accelerandum duxit, nec longiori morâ factâ, anxium iter aggreditur, Crucem sacratissimam summa diligentia custodiens.

Contigit, ut per viam hospitem Lublensis salutaret Conventus, Officiosa servitia, eâ, quâ licuerat, offerens humanitate, quæ

quæ non recusavit Præful, donec se, suos-
que itinerum vicissitudinibus lassatos tan-
tisper recrearet; Nihil tamen de Thesauro,
quo pergebat onustus, insinuavit. Atque
ne longior mora Cracoviam tantis diviti-
is privaret, incaptum iter progredi parat.
Verum dum Andreas de donanda Craco-
viæ Salvatoris Cruce sollicitatur, aliud im-
molatus in Cruce Deus, de Cruce disponit.

Jam Præful junctæ quadrigis infederat
Rheda, cupidosque itineris equos auriga
impulerat, cum occulta vi adeò rotæ conli-
stût, ut nullatenus loco moveri possint, ten-
tat iteratis vicibus, quin tamen quidquam
proficiat. Obstupuit ad insolitū casum Anti-
stes, nec cui hæcce adscribat, novit, (non a-
lio nisi superno impulsus instinctu) thecā si-
ve asservatoriū, cui tantū inerat pondus, de-
poni jubet, & ecce mox ultra cum rheda e-
qui procedunt. Ascendit iterū Currum Præ-
ful cum Cruce, iterū redit insuperabile onus;
descendit secundo & tertio de curru; rece-
dit simul, & onus. Jam hic Aram inter
& lapidem constitit Antistes, ne Lu-
blini deponere cogatur pignus, & onus,
quod Cracoviæ destinaverat metuens: at

os- cum Dei voluntatem considerat manifestif-
 n- simo indiciò, fortior jam se ipso effectus,
 ro, Ejusdem se voluntati conformat. Adstan-
 ue ti cum Fratribus Priori inestimabile Cleno-
 ti- dium tradit, rogans, ut quos ipse in Cruce
 at. passus Salvator Crucis suæ custodes dele-
 o- git, ejus, qua par est, diligentia, cultum &
 m- honorem promoverent.

lit. Non poterat hinc ortum gaudium diu
 rat latere Lublinensis Civitatis Incolas. Un-
 ga de percrebescente fama sanctâ invidiâ
 li- Clerus excitatur, Kijoviensem Præsulem ac-
 n- cedit, utque tanti pignoris participem red-
 m- dat, obsecrat; consensit longis fatigatus
 ti- precibus Episcopus, utque diviso major
 a. præstetur honor, celte arripit, vitale Lignû
 fi- bipartiturus. Sed ecce res miranda! vix
 c- ferrum ligno applicat, cum intra divisi par-
 e- tes adeo Andreae vulnerat inhæretque pal-
 e- mæ, ut nullis auxiliis evelli possit. Quid
 us; faciat propriò malò sapere doctus! ast non
 e- deficit animus; & cur deficiat? qui præsens
 er vitæ antidotum læsa manu tenebat. Supplex
 u- itaque vitæ advolvitur stipiti, suam cum ge-
 s, mitibus agnoscit culpam, fatetur delictum,
 at
 inta-

intactumque posthac vitæ lignum Prædicatorum Conventui relinquendum vovet. Et ecce! nec mora, sponte ferrum de manu excidit, nonnisi cicatrice in tanti miraculi testimonium relicta. Hinc filium jam crucis Lignum æternæ custodiæ Lublinensibus Patribus iterato devovet; ipseque Christi imitator, custos, ac bajulus Andreas, sub ejusdem Crucis salutiferæ umbræ in eodem Conventu Lublinensi, dies exempli ac sanctitatis lucidos cum transegisset; ad lucis pervenit munera, circa finem Regni Jagellonis Anno Domini 1434. ultimâ Maji. Qui ut obiit, statim in talis refturam memoriam, appositum ei erat Epitaphium ad majus Altare sequentibus exaratum carminibus:

Spiritus Astra petit, corpus requiescit in isto;

Præfulis Andream, pulvis & ossa specu;

Qui tulit huc sacri vitalia fragmina Ligni,

Quæ sibi Russorū Dux monumēta dedit,

Edita Pontificem cælitus miracula urgent,

Ut Crucis hoc maneat portio vera locō.

Asportare cupit, quoties au scindere ferro;

Hoc toties ultrix pana relicta vetat.

Ergo

ca-Ergo nec totum licuit, nec demere partem,
 . Et Hic fors dante Deo tota relicta manet.
 Citiùs tantorum fama miraculorum adja-
 cul- centes oras pervaserat, quàm contervando
 ru- tanto Thesauro dignus locus reperiri po-
 bus- tuerit, Hinc alii salutis impulsu cupidita-
 uc- te, alii Dominicæ passionis succensi fervo-
 An- re, alii mira novitate perciti, turmatim Lu-
 brablinum confluent, morientis quondam Ser-
 em- vatoris Thronum adoraturi, simul & admi-
 let- raturi. Nec desolatus quisquam, qui fir-
 Re- ma fide in adversis quærebat medelam, li-
 mâ- mina nostra reliquit, quin de gratiarum
 fu- fonte veram vitæ aquam hauserit. Adeo
 ta- Crucem Sanctissimam gratis suis immola-
 ra- tus in Cruce salvator dotaverat, ut nullibi
 certius quæreretur pharmacum, quàm ubi
 sto; mors ipsa contrita potentiâ vitæ succubuit.
 ; Et hæc est series Historiæ hujus. Fusius
 i, autem hac de re scripsere multi ac depræ-
 dit, dicavere, & nunc veri adoratores Crucis
 nt, deprædicant mirabilia opera Dei per Cru-
 cõ. cem patrata, ad majorem Ipsiusmet Dei T.
 ro; O. M. gloriam nostramque tum Corporis
 tum animæ certiolem salutem.

Sic

*Sic colligitur ex V. P. Paulo Ruszel
O. P. Abraham Bzovio. Simone Okolski.
Dominico Frydrychowicz, & Archivio
Conventus.*

*Modus Benedicendi ac sanctificandi
vinum à tactu & ablutione vivifici Li-
gni SSmæ Crucis, contra quælibet ad-
versa, tum animæ, tum Corporis, mul-
tum deservientis, ut pluribus comper-
tum est experientis.*

*Sit præsens vinum in vase mundo, &
Sacerdos stolâ indutus proferat sequen-
tia super illud: stans ante Sacratissimum
Lignum.*

V. Dominus vobiscum.

R. Et cum spiritu tuo.

EXorcizo te creatura vini, in Nomine
Patris † & Filii, & Spiritus S. ne sis cõ-
munis ulli Spiritui immundo: sed medici-
na omnibus Fidelibus, permanēs in visceri-
bus eorum, ut qui te gustaverit vel biberit,
ab eo omnis Spiritus immundus, cum omni-
bus veneficiis suis recedat. Benedico † i-
gitur te creatura vini in Nomine D. N. JE-
SU CHRISTI omniumque Sanctorum, ut
sis

sis purgatio omnium maleficiorum & me-
 dicina omnium languorum. O! Domine
 JESU CHRISTE, qui ad demonstrandam
 virtutem Divinitatis Tuae in Cana Galilæe
 aquam convertisti, in vinum, dignare quo-
 que exorci & zere, bene & dicere, & Sancti-
 ficare hoc vinum, ut sit remedium efficax
 contra omnem potestatem inimicorum
 spiritualium, & contra omnia maleficia fa-
 cta & faciendâ; ita, ut nullus spiritus ma-
 lus, nullaque malitia ejus possit latere in
 homine isto, qui hoc vinum piè gustaverit.
Hic fiat ablutio à contactu SSmi Ligni.
 Per Tuam S. Passionem & virtutem Sacra-
 tissimæ CRUCIS perque fel & acetum, quod
 bibendo sanctificasti, concedere digneris,
 ut qui ex hoc vino benedicto à! contactu
 SSmæ CRUCIS sanctificato biberit, mun-
 detur à spiritibus immundis omnique ma-
 leficio: & omnis virtus Diaboli ab eo ex-
 terminetur, atque potestas Tua in virtute
 verborum Tuorum in eo prævaleat. Et
 ego Sacerdos Tuus in Nomine Sancto
 Tuo, & in potestate mihi tradita; bene &
 dico atque sanctifico hoc vinum, ut vul-
 pes

(S)(30)(S)

pes Infernales demolientes vineam Tuam
unà cum operibus suis maleficis destru-
antur, confringantur, & annihilentur.
Per Christum Dominum Nostrum.

O R E M U S.

Domine JESU CHRISTE qui pro no-
stra Redemptione per passionem Tu-
am hoc Lignum Sanctissimæ CRUCIS sani-
ficare voluisti; concede propitius, ut
quicumque hoc vinum, hujus Sanctissimæ
CRUCIS tactu sanctificatum haultu per-
ceperint; ab omni infirmitate mentis &
Corporis absolvantur. Qui cum Patre &
Spiritu Sancto vivis & regnas Deus per o-
mnia sæcula sæculorum, Amen.

*Et facit Crucem Sanctam super hoc
vinum dicens:*

Et benedictio Dei Patris Omnipotentis,
& Filii & Spiritus Sancti, descendat su-
per hanc substantiam vini, ut ad effugan-
dos Dæmones, morbosque pellendos Di-
vinæ gratiæ sumat effectum, sitque omni-
bus id sumentibus adjutorium, & remedi-
um. Per Dominum Nostrum J E S U M
CHRISTUM, Amen.

Si

*Si vero vellet Sacerdos sanctificare
aquam, à tactu Sanctissimæ CRUCIS,
tunc assumat illam pro ablutione, jam
benedictam; sper quam, proferatu ora-
tionem: Domine JESU CHRISTE &c.
usque ad finem, apponendo verbum aquæ,
locô vini.*

Benedictio Crucis parvæ, quæ ad col-
lum; sive ad Rosarium appenditur,

✠. Adjutorium nostrum in Nomine
Domini,

R. Qui fecit Cælum & terram.

✠. Dominus vobiscum

R. Et cum spiritu tuo.

O R E M U S,

OMnipotens Deus, qui Crucis signum
pretioso Filiû Tui sanguine dedicâsti,
quique per eandem Crucem Filii Tui Do-
mini Nostri JESU CHRISTI Mundum re-
dimere voluisti, & per virtutē ejusdē venera-
bilis Crucis humanū genus ab antiqui hostis
chirographo liberâsti; te suppliciter exora-
mus; ut digneris hanc Crucē paternâ pietate
beneddicere, caelestemque ei virtutē & gra-
tiam impetiri; ut, quicumque eam in passi-

onis, Crucis, Unigeniti tui signum ad tutelam Corporis & animæ super se gestaverit; cælestis gratiæ plenitudinem in ea & munimen valeat tuæ benedictionis accipere. Si quis vero infirmus aut moribundus eandem in manu sua tenuerit, aut super pectus suum impositam habuerit, ad eum non audeant appropinquare hostes maligni; nec ei temptationibus suis nocere, aut spectris suis pavorē immittere. Sed virtute hujus Crucis benedictæ ab infestationibus Dæmonum liberatus, JESU CHRISTO Filio tuo Redemptori suo, laudes & gratiarum actiones persolvat. Et quemadmodum virgam Aaron ad rebellium perfidiam repellendam benedixisti, ita hoc signum Crucis, Tuam dexteram benedice & contra omnes Diabolicas fraudes virtutem ei Tuam defensionis impede, ut portantibus illam animæ pariter & Corporis prosperitatem conferat salutare, & spiritualia in eis dona multiplicet. Per eundem Christum &c.

Deinde aspergens Crucem aqua benedicta dicat: Sanctificetur hoc signum Crucis: In Nomine Patris & Filii & Spiritus Sancti. *Tum faciat tactum hac Cruce, ad vivificum Lignum dicens:* Et

Et benedictio illius Ligni, in quo mēbra
Salvatoris Nostri suspēsa sunt, sit in isto signo
Crucis, ut portātes eam propter Deū inve-
niant Corporis & animę sanitatē. Per Chri-
stum Dominum Nostrum, Amen.

BEDICTIO ARMORUM.

Y. Adjutoriū nostrū in Nomine Domini

R. Qui fecit Cælum & terram,

Y. Dominus vobiscum

R. Et cum spiritu tuo.

O R E M U S.

DEus Omnipotēs, in cujus manu victoria
plena consistit, quique etiam David ad
expugnandū rebellē Goliath vires mirabiles
tribuisti: clementiā Tuā humili prece de-
poscimus, ut hæc arma almifica pietate be-
nedicere digneris. Et concede famulis
tuis eadē gestare cupientibus, ut ad muni-
men ac defensionē Sanctæ Matris Ecclesiæ,
pupillorū & viduarum, contra invisibiliū
ac visibiliū hostium impugnationē, ipsis li-
bere & victoriosè utantur. Per Christum
Dominum Nostrum, Amen.

Et benedictio Dei Omnipotentis Patris
& Filii & Spiritūs Sancti descendat su-

per hæc arma, & super induentes ac portantés ea, ut eisdem ad tuendâ justitiâ utantur. Proinde rogamus te Domine Deus, ut illos protegas & defendas, atque omnibus inimicis suis terribiles efficias. Qui vivis &c.

Aspergatur aquâ benedictâ.

NB.

CUM ferè in omnibus Ecclesiis Nostris, devotio ad S: Vincentium Ferrerium, specialem Thaumaturgum, feriis sextis peragatur: Hic Lublini ut major sit commoditas devotis ad Sacratissimam Crucē, principaliter feriis sextis, pro quibus & multæ Indulgentiæ concessæ sunt; Ex dispositione Superiorum, feria secunda, cultui Sancti Vincentii Ferrerii specialiter dicata est. Itaque & septennæ ad eundem Sanctum, non sextis feriis, sed secundis, convenientius absolventur.

I M P R I M A T U R.

Dominicus Kietczewski Canonicus Vicarius & Officialis Generalis Cracovien. Lovicensis, Kielcensis, Oswiecimensis Præpositus
Judex Deput Tribunalis Regni mp.

por-
n u-
De-
e o-
cias.

tris,
um,
per-
mo-
rin-
alta
one
nati
I-
non
tius

ari-
vi-
tus

Biblioteka Jagiellońska



stdr0026303

